

1833

232.9


2-61

1885

(121)

“ՅԻՍՈՒՍԻ ՆԱՅԻՆՔ”

ԵԲԲ . ԺԲ . 2 :



معارف عمومیہ نظارت جلیہ سنک رخصتیہ
۲ ربیع الاول ۳۰۳ و ۲۶ تشرین ثانی ۳۰۱ نمبرو ۸۲۲
مصارفی آمریقان مسیونر شرکتی طرفدن تسویہ اولندرق

ԿՈՍՏԱՆԳՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈԲ ՊՅՏԱՅԵԱՆ

1885

232.9
3-61

2010

232.9

2-61

„ՅԻՍՈՒՍԻ ՆԱՅԻՆՔ”

ԵՐԲ . ԺԻ . 2 :



Միայն երկու բառերէ բաղկացեալ խօսք է այս , բայց անոր մէջ կը պարունակի կենաց ամբողջ գաղանիքը :

“Յիսուսի նայինք” Սուրբ Գրոց մէջ , սորվելու համար թէ ո՛վ է Նա , ի՛նչ ըրած է մեզի համար , ի՛նչ կը շնորհէ մեզ , եւ ի՛նչ կը պահանջէ մենէ , որ պէս զի օրինակ առնունք անոր բնաւորութենէն , հրահանգութիւնք անոր վարդապետութեամբ , անոր պատուիրաններն ընենք մեր օրէնքը , անոր խոստումները՝ մեր մխիթարութիւնը , անոր անձին եւ գործքին մէջ գանենք յազուրդ մեր հոգինե-

2001

բուն բոլոր կարօտութեանց :

“Յիսուսի նայինք” որ խաչուեցաւ ,
զտնելու համար անոր թափած ար-
եան մէջ փրկանքը մեր մեղաց , մեր
թողութիւնը եւ խաղաղութիւնը :

“Յիսուսի նայինք” որ յարեաւ ի մե-
ռելոց , զտնելու համար անով այն
արդարութիւնը որով միայն կ'արգա-
րանանք , եւ որով թոյլ կը տրուի
մեզ ամենուս որ ենք անարժան , մօ-
տենալ վստահութեամբ , անոր անու-
նով , Անոր Հօր եւ մեր Հօր , Անոր
Աստուծոյն եւ մեր Աստուծոյն :

“Յիսուսի նայինք” որ է փառա-
ւորեալ , զտնելու յանձին Նորա մեր
երկնաւոր Բարեխօսը , որ իւր միջ-
նորդութեամբ կը կատարէ իւր ողոր-
մութեան եւ մեր փրկութեան գոր-
ծը , որ այժմ իսկ “մեզի համար Աս-
տուծոյ առջեւը (կը) ներկայանայ ,” եւ

կը լեցունէ մեր աղօթից թերին՝ իւր
աղօթից զօրութեամբ որուն միշտ կը
լսէ Հայրը :

“Յիսուսի նայինք” որ յայտնուած
է Հօգուով Սրբով , որպէս զի անոր
հետ հաղորդակցութիւն հաստատե-
լով մաքրուին մեր ապականեալ սիր-
տերը , լուսաւորուին մեր խաւարեալ
իմացողութիւնները , փոխուին մեր
ապստամբ կամքերը , որպէս զի կա-
րող ըլլանք յաղթանակ կանգնել աշ-
խարհի եւ չարին յարձակմանց վրայ ,
ընդդիմանանք անոնց բռնութեանց
Յիսուսով որ է մեր զօրութիւնը , ի գե-
րեւ հաննք անոնց խորամանկութիւն-
ները Յիսուսով որ է մեր իմաստու-
թիւնը , զօրանալով Յիսուսի կարեկ-
ցութեամբ որ կրեց ամէն փորձու-
թիւն , եւ օգնութեամբն Յիսուսի ու-
րուն ոչ ոք յաղթած է :



37511-67

51593-4. h.

“Յիսուսի նայինք” որ ինչպէս թողութիւն կու տայ մեզաց, կու տայ նաեւ զՂՅումն, որպէս զի տայ մեզ շնորհք ճանչնալ մեր մեղքերը, ողբալ անոնց վրայ, խոստովանել զանոնք եւ հրաժարիլ անոնցմէ :

“Յիսուսի նայինք” ընդունելու համար անկէ մեր օրըստօրական գործը, եւ առօրեայ խաչը, նաեւ անոր շնորհքը որ բաւական է կրելու համար խաչը եւ կատարելու համար գործը . համբերող ըլլալու համար տեսնելով անոր համբերութիւնը, եւ գործունեայ ըլլալու համար տեսնելով անոր գործունէութիւնը, եւ ունենալու համար սէր՝ տեսնելով անոր սէրը, ոչ խորհելով թէ ի՞նչ կրնամ ընել ես, բայց թէ ի՞նչ կրնայ չընել նա, եւ ապաւինելով անոր գործութեան որ “տկարութեան մէջ կը կատարուի” :

“Յիսուսի նայինք” մեր անձը ուրանալու եւ մոռնալու համար, որպէս զի փարատի մեր խաւարը անոր երեսաց լուսով, որպէս զի նուիրական ըլլան մեր ուրախութիւնք եւ զսպուլին մեր արամութիւնք, որպէս զի նա խոնարհեցունէ զմեզ եւ բարձրացունէ զմեզ, որպէս զի արամեցունէ զմեզ եւ մխիթարէ զմեզ, որպէս զի աղքատացունէ զմեզ եւ հարստացունէ զմեզ, որպէս զի սորվեցունէ մեզ աղօթել եւ պատասխանէ մեր աղօթից, որպէս զի մինչ կը թողու զմեզ աշխարհի մէջ՝ բաժնէ զմեզ աշխարհէն, մեր կեանքը պահուած ըլլալով անոր հետ Աստուծոց քով, եւ մեր վարքը վկայ ըլլալով անոր մարդոց առջեւ :

“Յիսուսի նայինք” որ դարձեալ զացած ըլլալով իւր Հօրը տունը, հոն մեզի համար տեղ կը պատրաստէ, որ-

պէս զի այս օրհնեալ յոյսը քաջալերէ զմեզ ապրիլ առանց տրտնջելու, եւ պատրաստէ զմեզ մեռնիլ առանց ցաւելու երբ գայ այն օրը զիմաւորելու համար վերջին թշնամին այսինքն մահը զոր յաղթած է նա մեր կողմանէ, եւ զոր մենք պիտի յաղթենք անոր ձեռքով, եւ այն թշնամին զոր ըրաւ մեզ բարեկամ, որ երբեմն էր զարհուրանաց թագաւոր, այժմ է հրեշտակ եւ պատգամաւոր յաւիտենական խաղաղութեան :

“Յիսուսի նայինք” որ դարձեալ պիտի գայ անշուշտ, թէպէտ յայտնի չէ թէ ե՛րբ, եւ որուն գալստեան յուսով կը սպասէ անոր հաւատարիմ Եկեղեցին, որ կը համբերէ, կը հսկէ եւ կը ցնծայ մտածելով թէ “Տէրը մօտ է” :

Յիսուսի նայինք, որպէս զի սորվեցունէ մեզ՝ նայիլ Իրեն, որ է ինչ-

պէս առարկայ նոյնպէս եւ Առաջնորդ մեր հաւատքին, որ Ինքն է նաեւ Կատարող մեր հաւատքին, եւ որպէս զի պահէ զմեզ այն հաւատքին մէջ մինչեւ ցվախճան :

“Յիսուսի նայինք” եւ ոչ ուրիշ ինչպէս մեր բնաբանը կը հասկցունէ լռելեայն, որ կ'ըսէ մեզ իսկոյն անոր վրայ հաստատել մեր աշուրները եւ դարձունել զանոնք բոլոր ուրիշ բաներէն : Յիսուսի՛ նայինք եւ ոչ մեր անձերուն, մեր խորհուրդներուն, մեր տրամաբանութիւններուն, մեր երեւակայութեանց, մեր փափաքանաց, մեր գաղափարաց . Յիսուսի՛ եւ ոչ աշխարհի, ոչ անոր ցանկութեանց, անոր օրինակներուն, անոր սկզբունքներուն, անոր գաղափարներուն . Յիսուսի՛ եւ ո՛չ Սատանային, թէպէտ նա աշխատի վախցունել զմեզ իւր

արհաւրօք կամ հրապուրէ զմեզ իւր շողօքորթութիւններով :

Յիսուսի, եւ ոչ մեր կրօնական գրութեանց թէպէտ անոնք ըլլան աւետարանական : Հաւատքը որ կը փրկէ, որ կը սրբացունէ, եւ որ կը մխիթարէ, չէ հաւանութիւն տալ փրկութեան վարդապետութեան, այլ է յարիւ Փրկչին Անձին : Բաւական չէ միայն ճանչնալ զՅիսուս Քրիստոս, այլ հարկ է ունենալ զնա . եւ ոչ ոք կը ճանչնայ զնա ճշմարտիւ եթէ չստանար զնա անյապաղ : Ըստ խորիմաստ բանից սիրելի աշակերտին, «Կեանքը պնտվ էր, ու կեանքը մարդոց լոյսն էր :»

Յիսուսի, եւ ոչ մեր յոյժ սիրելի եւ յոյժ օրինաւոր երկրաւոր վայելից, զի մի գուցէ այնչափ զերի ըլլանք անոնց որ մեր աչաց տեսութե-

նէն արդելէն մինչեւ իսկ զԱյն որ կը չսորհէ մեզ զանոնք :

Յիսուսի, եւ ոչ մեր զօրութեան : Մեր զօրութիւնը կը նպաստէ մեր փառաւորութիւն միայն, զԱստուած փառաւորելու համար Աստուծոյ՝ զօրութիւն ստանալ հարկ է :

Յիսուսի, եւ ոչ մեր տկարութեան : Ողբալով մեր տկարութեանց վրայ, միթէ երբէք եղած ենք աւելի զօրաւոր : Յիսուսի նայելով մեր սիրտերը պիտի մասնակցին անոր զօրութեան եւ մեր շրթունք պիտի գովարանեն զՆա :

Յիսուսի, (եթէ զայս ըսել հարկ է,) ոչ մեր արդարութեան, զոր կը կեղծենք թէ ունինք : Բուն հիւանդն այն է որ թէպէտ հիւանդ է, զինք կը համարի առողջ . բուն կոյրն այն է որ թէպէտ կոյր է, կը համարի թէ

պայծառ կը տեսնէ : Եթէ վտանգաւոր է շատ մտածել մեր թշուառութեան վրայ, որ, աւանդ, իրօք ենք թշուառ, եւս առաւել վտանգաւոր է հանդարտ եւ անխոռով մնալ մեր երեւակայական արժանեաց վրայ :

Յիսուսի, եւ ոչ Օրէնքին : Օրէնքը հրամաններ կ'ընէ մեզ եւ չտար կարողութիւն հնազանդել անոնց : Օրէնքը միշտ կը դատապարտէ եւ բնաւ չներեր : Բայց Յիսուս է "Օրէնքին վախճանը ամէն հաւատացեալին արդարութեան համար :"

Յիսուսի, եւ ոչ սրբութեան աստիճանին որուն հասած ենք թերեւս : Եթէ ոչ ոք հաւատալու է թէ ինքն է որդի մը Աստուծոյ ցորչափ կը տեսնէ արատներ իւր սրտին մէջ, եւ թերութիւններ՝ իւր կենաց մէջ, ո՞վ ուրեմն կարող է առնուլ փրկութեան

ցնծալից ճաշակը : Բայց այս ցնծութիւնը չգտնուիր այս կերպով : Սըրբութիւնը մեր փրկութեան պտուղն է եւ ոչ արմատը : Այն է Յիսուս Քրիստոսի գործը զոր կ'ընէ մեզի համար եւ որ կը հաշտեցունէ զմեզ Աստուծոյ հետ . այն է Հոգւոյն Սրբոյ գործը մեր մէջ որ կը նորոգէ զմեզ անոր պատկերին . այն է անոր անփոփոխ խոստման ստուգութիւնը, որ կ'երաշխաւորէ՝ յաւիտենական կեանք ամէն անոնց որ կ'ապաւինին անոր : Հաւատարապէս ստոյգ է թէ ապաւինել Փրկչին է ստոյգ ճամբայ հնազանդելու անոր կատարելապէս, եւ միայն մեղաց թողութեամբ խաղաղութիւն ունենալով Հոգին կ'ըլլայ զօրաւոր իւր պատերազմին մէջ : Եթէ կան այնպիսիք որ կ'եղծանեն այս օրհնեալ ճշմարտութիւնը որպէս զի

տան զիրենք առանց խղճահարու-
թեան՝ հոգեւոր թուլութեան, արդա-
րացունելով զիրենք ըսելով թէ ու-
նին հաւատք որով կը կարծեն թէ
կրնան արհամարհել սրբութիւնը զոր
չունին, պարտին յիշել Սրբոյն Պօղո-
սի վսեմ խօսքը, "Անոնք որ Գրիս-
տոսիններն են՝ իրենց մարմինը խաչ
հանեցին ընական կիրքերով ու ցան-
կութիւններով մէկտեղ." եւ Սրբոյն
Յովհաննու խօսքը, "Ան որ կ'ըսէ թէ
Ես անիկա ճանչցայ, ու սնոր պատ-
ուիրանքները չպահեր, ստախօս է,
եւ անոր մէջը ճշմարտութիւն չկայ,"
պարտին յիշել նաեւ թէ ի՞նչ կ'ըսէ
նոյն ինքն Յիսուս. "Ամէն ծառ որ
բարի պտուղ չտար՝ կը կտրուի ու
կրակը կը ձգուի."

Յիսուսի, եւ ոչ մեր հաւատքին :
Թշնամին երբ չկրնար մեզ նայել տալ

ուրիշ տեղ, կը գործածէ վերջին մի-
ջոց մի եւս, եւ այն է դարձունել մեր
աչոււնները մեր Փրկչէն դէպ ի մեր
հաւատքը, եւ այսպէս վնասեցունել
զմեզ, եթէ տկար է մեր հաւատքը,
եւ հպարտացունել՝ եթէ զօրաւոր է
այն. որպէս զի թէ՛ այս եւ թէ՛ այն
կերպով տկարացունէ զմեզ :

"Յիսուսի նայինք" հիմա, եթէ տա-
կաւին բնաւ նայած չենք անոր, Յի-
սուսի նայինք Վերսին, եթէ դադա-
րած ենք նայիլ անոր. նայինք Յի-
սուսի Դաւի, Յիսուսի՝ Դաւիթ, Յի-
սուսի՝ Դաւիթ, նայինք հետզհետէ եւս
առաւել վստահութեամբ, եւ "նոյն
պատկերին կը նորոգուինք փառաց
ի փառս," եւ այսպէս սպասենք այն
ժամուն երբ Նա պիտի կոչէ զմեզ որ
անցնինք երկրէս երկինք, ժամանա-
կէն՝ յաւիտենականութիւն, սպասենք



այն խոստացեալ ժամուն, այն օրէ-
նեալ ժամուն, երբ ի վախճանի «Սնոր
պէս պիտի ըլլանք. վասն զի անիկա
պիտի տեսնենք՝ ինչպէս որ է՝»



ՀՀ Ազգային գրադարան



NL0028747

